

Մակագրութիւնք

Ի յայտ. Կոնսիստորիային Աստրախանի. «Պատուիրեմք Կոնսիստ. Աստրախանի չընդունել զհրաժարական Գրիգոր քահանայի Իւզբաշեանց և կարգել այլ ևս զմին ի քահանայից տեղւոյն անդամ կառավարութեանն մինչցհաստատութիւն առաջնորդիւ. Թ. 1216.

Ի խնդրագրի լիազօրաց հասարակութեան Ղուբա քաղաքի. «Պատուիրեմք Առաջնորդին Շամախույ կարճել զկենսաթոշակ Աւշարեանց քահանային ըստ համախօսական վճույ ժողովրդականաց Ղուբա քաղաքի, որով և վախճան դնել գործոյս. Թ. 1236

Ի յայտ. Առաջնորդի թեմին Հայոց Վրաստանի. «Զիջեալ Մեր ի հանգամանս գծագրեալս ի յայտարարութեան գործակալին, թոյլ տամք զպսակ խօսեցելոյն ի վեցերորդում աստիճանի ազգականութեան, պատուիրելով Առաջնորդին Հայոց Վրաստանի տնօրինել զարժանն. Թ. 1265.

Ի յայտարարութեան լիազօրաց հոգաբարձութեան թեմ. դպրանոցին Շուշույ. «Ի նկատ առեալ Մեր զտնտեսական անձուկ վիճակ թեմական դպրանոցին Շուշույ, առաջադրեմք Սինոդին Ս. Էջմիածնի դարձուցանել զգրամս ըստ խնդրոյ լիազօրաց հոգաբարձութեանն. Թ. 1318.



ՔԱՂՈՒԱԿՔ ՅԱՅՔԻՐՈՒԹԵԱՆՅ ՈՒՆՈՒԻ

Ի 13-ն յուլիսի Ըստ հրամանաց Սինոդին Ս. Էջմիածնի հաստատելով զեզրակացութիւն Կոնսիստորիային Շամախույ՝ պահանջել ի Մեսրոպ քահանայէ Տ. Ոսկանեանց 30 ռուբլիս յօգուտ որբոց և այրեաց. Տ. Տ. Յովհաննէս և Արգար քահանայից՝ առնել զխիստ յանդիմանութիւն. Հ. 610.

Ի նմին թուի Սինոդն հաստատելով զեղրակացութիւն Կոնսիստորիային Ղարաբաղի՝ նախ վաւերական համարել զպսակ Գրիգորի Սահակեան ընդ Գայանեայ Ռուստամեան ի 4-ում աստիճանի խնամութեան, երկրորդ՝ զգործակալն Յովհաննէս քահանայ Տ. Գրիգորեանց և զպսակակատարն զՏ. Խաչատուր քահանայ Տ. Գրիգորեանց դադարեցուցանել ի քահանայագործութենէ և առաքել յապաշխարութիւն, երրորդ՝ զԱրսէն Տ. Մեսրոպեան և զՌոստամն Սահակեան մատնել ի դատ քաղաքական իշխանութեան ի ձեռն պրոկուրորի վասն կեղծելոյ զստորագրութիւն յիշեալ երկուց քահանայից, Հ. 616.

Ի նմին թուի Սինոդն հրամայեաց Կոնսիստորիային Երևանայ հրաւիրել զծխական հոգաբարձուս, և զայժմեան երեսփոխան ս. Աստուածածնի եկեղեցւոյ Գեշուռ գեղջ, եթէ հնարաւոր իցէ, դատարանաւ ի ձեռս բերել մնացեալ մասն գոյից, կտակելոց ի Սեդրակայ Մելիք-Խաչատրեան յօգուտ այնր եկեղեցւոյն, Հ. 618.

Ի նմին թուի Սինոդն թողլով զխնդիր Մկրտչի Տ. Անտօնեանց վասն անպահանջ թողլոյ զ70 ռուբլիս, զպարտիս հանգուցեալ հօրն առ այժմ՝ առանց քննութեան՝ պատուիրել վանական Կառավարութեան կազմել յանձնաժողով վասն վերստին ստուգելոյ զհաշիւ նախկին հարկաժողովոյ հանգուցեալ Տ. Անտօնեանցի յընթացս ամբողջ ժամանակի հարկաժողովութեան նորա, Հ. 619.

Ի նմին թուի Սինոդն հրամայեաց՝ նախ ունելով առաջի աչաց, զի ցուցեալ ի պաշտ. պրոկուրորի յօգուածն օրինաց հայի միայն յաշխարհական ծառայողս և ոչ ի կուսակրօն միաբանս, ուստի զբողոքն թողուլ առանց հետեանաց. երկրորդ՝ ունելով ի նկատի, զի ի 50 ռ. ռոճկէ Խաչիկ վարդապետի $\frac{1}{3}$ մասն՝ այն է 16 ռ. 66 կ. բարձեալ լինի ըստ հրամանի Սինոդիս ի լրումն պարտուց նորա մասնաւոր անձանց, պատուիրել գանձապահի Սինոդիս Տ. Համազասպ վարդապետի բառնալ առ այժմ

ի միոյ յուլիսի տարւոյս մինչ ցլրումն այդոցիկ մասնաւոր պարտուց վարդապետին, զմնացեալ մասն ոռճկի նորա ի գումար 33 ռուբլի 34 կ. ի լրումն պարտուց նորա Մայր Աթոռոյ ի գումար 700 ռ. և մատուցանել Սինոդիս, տալով նմա միայն զ20 ռուբլիս անդադրամս. իսկ ապա յետ լրման մասնաւոր պարտուցն բառնալ զամբողջ ոռճիկն Խաչիկ վարդապետի. եւ երրորդ՝ վասն վաճառելոյ Խաչիկ վարդապետի ինքնագլուխ զ20 խալուար ցորեան և ճշ մատուցանելոյ նորա զգոյացեալ դրամս ի Սինոդս յիւրում՝ ժամու առնել նմա յԱտենի Սինոդիս զխիստ յանգիմանութիւն. Հ. 617.

Ի 20-ն յուլիսի զտպագրեալ օրինակս կազմեալ ի Սինոդէս և հաստատեալ ի Վեհափառ Կաթողիկոսէ ցուցակի ծախուց թեմ. Հոգեւոր հաստատութեանց յղելով ի Կոնսիստորիայս Հայոց՝ պատուիրել նոցին տալ գործադրել զայն ի 1-ն սեպտեմբերի տարւոյս և մի առնել ի ցուցակի յաւելումն ինչ առանց թոյլտուութեան Սինոդիս. Հ. 629.

Ի 25-ն յուլիսի Սինոդն հրամայեաց պատուիրել Տ. Մեսրոպ վարդապետի զ800 ռ. հանդերձ տոկոսեօք ընդ փոյթ յղել հոգ. կառավարութիւն Ն. Նախիջևանի ի յանձնել հետզհետէ ծխական հոգաբարձութեան Առինջ գեղջ ի ծախսել ի պէտս դպրոցի և երկրորդ՝ զխնդիր Տ. Մեսրոպ վարդապետի վասն արկանելոյ զՏ. Լեւոն վարդապետն ընդ պատասխանատուութեամբ յաղագս ցանկալոյ արատաւորել զանուն նորա, թողուլ առանց հետեանաց ի պատճառ անհիմն գոլոյ խնդրոյն. Հ. 636.

Ի նմին թուի Սինոդն հրամայեաց նախ՝ առնելով առաջի աչաց զծերութիւն և զհիւանդագին վիճակ Բարսեղ աւագ քահանայի Խաչատրեան և զայն, զի նա արդէն վճարեալ է զհասանելի ինքեան մասն ի վատնեալ դրամոյն, ուստի ի փոփոխումն նախկին վճռոյ սորին պատուիրել Կոնսիստ. Նոր-Նախիջևանի և Բեսսարաբլոյ ար-

կանել զԲարսեղ աւագ քահանայն ընդ մի ամսեայ եկեղեցական ապաշխարանօք ի խորանի եկեղեցւոյ Քիչնէի, յետ ուրոյ թոյլ տալ նմա առնել քահանայագործութիւնս երկրորդ՝ առեալ ի նկատի, զի Սարգիս քահանայն Թաթսիզեան ոչ հայեցեալ ի կրկնակի հրամանս նորին ոչ զնայ ի տեղի ապաշխարանացն և ոչ հատուցանէ զմասն իւր ի վատնեալ գրամոցն՝ ուստի պատուիրել Կոնսիստորիային ի ձեռն ստիկանական իշխանութեան, զհովութիւն ծխոց նորա յանձնել այլում քահանայի ըստ հայեցողութեան թեմական իշխանութեան այնու, զի հովուօգն զմի երրորդ մասն յարգեանց ծխոց յանձնեացէ, ի ձեռն Կոնսիստորիային, ընտանեաց արգելեալ քահանային, զմիւս երրորդ մասն առցէ ինքեան, իսկ զվերջին երրորդ մասն մատուցէ ի Կոնսիստորիայն, վասն յղելոյ ի Սինոդս, ի լրումն պարտուց Սարգիս քահանայի, որ մնալոց է ի տեղւոջ ապաշխարանացն մինչ ցլրումն ողջոյն պարտուց։ Երրորդ՝ զվճիռ Սինոդիս վասն ընդ միշտ զրկելոյ զվերջիշեալ երկուս քահանայս և զարձակեալ առեւնադպիր Կարապետ Օհանջանեանց ի պաշտօնավարութենէ ի հոգևոր հաստատութիւնս Հայոց թողուլ ի զօրութեան, եւ չորրորդ՝ ունելով առաջի աչաց, զի վատնումն գրամոց ի Կոնսիստորիային յառաջացեալ է յանփութութենէ Ատենապետի նորին, սր ըստ օրինի է գլխաւոր պատասխանատու վասն ամենայն անկարգութեանց և թերութեանց Ատենի՝ ուստի Առաջնորդի թեմին Տ. Ներսէս Արքեպիսկոպոսի առնել զխիստ յանգիմանութիւն, ի զգուշութիւն յապագայի և ի խրատ այլոց, Հ. 638.

Ի 1-ն օգոստոսի Սինոդն յղելով զքրանշանն և զվկայականս Մատնիշեանց աւագ քահանայի ի Կոնսիստորիայն Երեւանայ, զքրանշանս և զվկայականս Տ. Յովսէփեան և Արշեան քահանայից՝ ի Կոնսիստ. Վրաստանի և զԲաբայեան Զաւէն վարդապետին՝ ի Կոնսիստ. Շամախւոյ, պատուիրել թեմ. առեւնից յանձնել զայնս ըստ պատկանելոցն, Հ. 446.

Ի 6-ն օգոստ. Սինոդն թողլով զնախկին վճիռ ի 16 մարտի տարւոյ, մերժել զխնդիր Տ. Մատթէոս վարդապետի վասն ապառիկ ոռճկաց նորա յաղագս հօկա. նոյեմբ. և դեկտեմբեր ամսոյ անցեալ ամիւ Հ. 655.

Ի նմին թուի Սինոդն անհիմն համարելով զխնդիր, որ վասն վերստին քննելոյ զգործ զեղծման ցորենոյ, Տ. Խաչիկ վարդապետի, թողուլ զայն առանց հետեւանաց. Հ. 656.

Ամուսնալուծութիւնք

Սինոդն հաստատելով զեզրակացութիւն Կոնսիստ. Երևանայ՝ լուծանել զպսակ Նադոյի Փռէեանց ընդ Սա-
նովի Յարութիւնեանց. միայն կնոջն տալ իրաւունս կրկին ամուսնութեան. Հ. 648.

Սինոդն ի նկատի առեալ զ7 ամեայ անշատ կեցու-
թիւն բնակչի Գոմեր գեղջ՝ Միքայելի Աստուածատրեանց
և զԼքանել զօրինաւոր կինն իւր զՍիրանոյշ Մամիկոնեան.
լուծեալ համարի պսակ նոցին. կնոջն և եթ իրաւունք
են մտանել ի նոր ամուսնութիւն. Հ. 647.

Սինոդն հաստատելով զեզրակացութիւն Կոնսիստ.
Երևանայ, որ վասն մերժելոյ զխնդիր Յովհաննու Եսայեանց
յաղագս լուծման պսակի նորա ընդ Աշխենի Մուրադեան
ի պատճառս անհիմն գոլոյ խնդրոյն, կարճէ զայս գործ.
Հ. 653.

Սինոդն լուծեալ համարի պսակ Լևոնի Բերբերեան
ընդ կնոջն Զաբելի՝ տալով իրաւունս երկոցունցն ևս
մտանել ի նոր ամուսնութիւն. Հ. 661.

Կոնդակ յանուն Կոնսիստորիային Հայոց Վրաստանի,
որով լուծեցաւ պսակ տաճկահպատակ Մատթէոսի Տնտե-
սեանց ընդ կնոջն Եղիսաբեթի Կարապետեան և թոյլ
տուաւ վերջնոյս մտանել ի նոր ամուսնութիւն. Թ. 1349.

Մակագրութիւն ի խնդրագրի Սէրգէյի Դօնմագեանց.
«Զիջեալ ի թախանձանս երիտասարդ աղերսարկուիս, պատուիրեմք Կոնսիստորիային Հայոց Վրաստանի թոյլ տալ Սէրգէյի Դօնմագեանց մտանել ի նոր ամուսնութիւն».
Թ. 1199.

Մակագրութիւն ի խնդրագրի Կարապետի Ալաճալեանց.
«Ի նկատ առեալ Մեր զհէգ վիճակ զաւակաց խնդրարկու Կարապետի Ալաճալեանց և շատ համարելով զապաշխարանս նորա, պատուիրեմք Կոնսիստորիային Աստրախանայ թոյլ տալ սմա մտանել ի նոր ամուսնութիւն».
Թ. 1204.

Մակագր. ի խնդրագրի Ստեփանոսի Այվազեանց.
«Ի նկատ առեալ Մեր զընտանեկան հանգամանս և զիջեալ ի թախանձանս խնդրարկուիս, պատուիրեմք Կոնսիստորիային Հայոց Վրաստանի թոյլ տալ սմա մտանել ի նոր ամուսնութիւն».
Թ. 1299.

Մակագր. ի խնդրագրի Սահակայ Թարվերդեան.
«Ծառ համարելով Մեր զեռամեայ ապաշխարանս և զրկանս, պատուիրեմք Կոնսիստորիային Երևանայ թոյլ տալ խնդրարկուիս մտանել ի նոր ամուսնութիւն».

Հրաման Նորին Կայսերական Մեծութեան Ինքնակալին Ամենայն Ռուսաց ի Լուսաւորչական Հայոց Սինոդէ Սրբոյ Էջմիածնի Խմբագրի «Արարտ» ամսագրոյ.

№ 1689

Ըստ հրամանի Նորին Կայսերական Մեծութեան ի Սինոդիս լուան զԿոնդակ Վեհափառ Կաթողիկոսի ի 23 յուլիսի անցելոյ թ. 1229, որով ծանուցանէ Սինոդիս, թէ ընկալեալ է յայտարար խնդրագիր ի միաբանէ Մայր-Աթոռոյ ի Թովմա վարդապետէ Բաղդասարեան, որով սա խնդրէ ազատ համարել զինքն յանդամութենէ միաբանու-

Թեան վանուցս և դասել ընդ հարկատուս, յաւելլով թէ որչումն իւր անդառնալի է։ Ուստի նորին Սրբութիւնն բարձեալ համարի ի նմանէ զհոգեւոր կոչումն և ազատ՝ ի միաբանութենէ և պատուիրէ Սինոդիս տնօրինել դասել զնա ընդ հարկատուս։ Հրամայեցին. նախ՝ զթովմա վարդապետն Բաղդասարեան ազատ համարել յանդամութենէ միաբանութեան վանուց Ս. Էջմիածնի և բառնալով ի նմանէ զկարգն վարդապետական՝ դասել զնա ընդ սոսկ աշխարհականս, համաձայն խնդրանաց նորա, զորմէ ծանուցանել նահանգապետին Երևանայ և խնդրատուին ի ձեռն Կոնստանտնուպոլսի Աստրախանի, պատուիրելով վերջնոյս պահանջել ի Բաղդասարեանցէ զվարդապետական խաչն և զվկայականս հոգեւոր կոչման և վարդապետական կարգի նորա և առաքել զայնս ի Սինոդս, և երկրորդ՝ զգործ որ վասն պահանջելոյ ի Բաղդասարեանցէ զհաշիւ դրամոց և իրեղինաց, ընդունելոց նորա ի բաշխել կարօտեալ հայ ժողովրդեան վիճակին Հին-Նախիջևանի, ի գումար երեսուն և մի հազար ռուբլեաց, կարճել ի Սինոդիս, զոր և ծանուցանել Կենդրոնական Նպաստամատոյց Յանձնաժողովոյն Տփլսեաց։ Զայս վճիռ տալ տպագրել ի պաշտօնական Արարատ ամսագրի։ Ի 20 օգոստոսի 1907 ամի ի Ս. Էջմիածին։

Անդամ Սինոդի Ռաբղէն վարդապետ։

Կ. պ. Ատենադպրի Յ. Մուսեղեան.

Ի տ. Գործավարի Ա. Հայկազունի.

